

Regulamentu po s'istitutzioni de su Garanti de is deretus de is personis chi ddis ant privau sa libertadi personali

Artìculu 1

Istitutzioni de su Garanti de is deretus de is personis chi ddis ant privau sa libertadi personali

In s'àmbitu de su Comuni de Aristanis ant istituìu su Garanti de is deretus de is personis chi ddis ant privau sa libertadi personali de sa Domu de Reclusioni de Aristanis.

Artìculu 2

Nòmina e durada

Su Sìndigu, nòminalu su Garanti (intèndiu su parri de sa Cummissioni de cumpetèntzia) seberendi-ddu in mesu de personis **residendi o comenti si siat domiciliadas in Aristanis** de prestìgiu e **cumpetèntzia** chi non funt postus in discussioni in su campu de is scièntzias giurìdicas, de is deretus umanus, o de is atividadis sotzialis, me in is istitutus de Preventzioni e Pena e me in is Centrus de Servìtziu Sotzialis.

Su Garanti abarrat in càrriga cinqu (5) annus e òperat in règimi de pròrroga segundu a cantu disponint is normas legislativas in matèria. S'incàrrigu est totu a in donu e non si podit annoai prus de una borta. Su Garanti ddu arrèvocat su sìndigu candu incapat in una de is cundennas de s'art. 58, 1^u comma de su T.U.E.L.. Su Garanti ddu podit arrevocai, bolendi-ddu, su Consillu comunali, po mòtivus gravis candu fait is funtzionis suas o po inacumprimentus gravis me in is incàrrigus chi ddi ant donau.

Su Garanti est un'òrganu monocràticu. S'incàrrigu non cuncorat a pari fadendi funtzionis pùblicas me in is setoris de sa giustìtzia e de sa seguresa pùblica. Si lassant a foras de sa nòmina su còniugi, is antepassaus, s'erederu, parentis e parentis de intradura finas a su tertzu gradu de amministradoris comunalis.

Artìculu 3

Còmputus de su Garanti

Su Garanti:

- a. favoressit, cun funtzionis de càstiu e vigilàntzia non dereta, su cumprimentu de is dererus e de is oportunitadis de partecipazioni a sa vida tzivili e de gosu de is servìtzius comunalis de is personis comenti si siat chi ddis ant privau sa libertadi personali o ddis ant limitau sa libertadi de si movi, magiorennis o minorennis, chi tenint sa residèntzia, su domiciliu o sa dimora in su territòriu de su Comuni de Aristanis, prus de totu po su chi pertocat is deretus fundamentalis, su traballu, sa formatzioni, sa cultura, s'assistèntzia, sa tutela de sa saludi, su sport, po totu su chi pertocat s'assinnamentu e is cumpetèntzias de su Comuni etotu, tenendi contu aici etotu de sa cundizioni de restrizioni insoru;
- b. favoressit iniziativa e scutas de sensibilizazioni pùblica asuba de su tema de is deretus umanus de is personis chi ddis ant privau sa libertadi personali e de s'umanizazioni de sa pena detentiva;
- c. favoressit iniziativa acapiadas s'una cun s'àtera o coordinadas cun àterus sugetus pùblicos e in mesu a totu cun su Defensori tzivicu citadinu, chi tenint sa cumpetèntzia in su setori po acumpriri a is doveris chi funt in sa lit. a);
- d. avatu a sinnalamentus chi ddui podint ai, chi arribant manca a manera informali a s'atenzioni sua, chi pertocant violamentus de deretus, garantzias e prerrogativas de personis chi ddis ant privau sa libertadi personali, su Garanti si inderetat a is autoridadis de

cumpetèntzia po ndi teni informatzionis in prus; sinneddu su rispetu non fatu o pagu atèndiu de custus deretus e portat innantis, totu una tirada, un'òpera de informatzioni e de comunicatzioni fitiana a is autoridadis etotu in chistioni de conditzionis de is logus de reclusioni, donendi atenzioni a s'acumprimentu de is deretus reconnotus ma chi non funt tutelauus beni e a s'arripetu de garantzias chi s'aplicatzioni sua dd'ant suspèndia, contrastada o trigada me in is fatus;

- e. favoressit cun is Istitutus de Pena, is Òrganus e is Ufizzius aristanesus de su Dipartimentu de s'Amministratzioni Penitentiària e cun totu is àteras amministratzionis pùblicas interessadas de is protocollus de intesa chi serbint po podi acumpriri is funtzionis suas finas fadendi bisita a is logus de detenzioni.

Articulu 4

Relata a is Òrganus de su Comuni

Su Garanti torrat sceda a su Sìndigu, a sa Giunta, a su Consillu Comunali e a is Cummissionis Consillaris po cantu est de cumpetèntzia insoru assumancu una borta a s'annu a intru de su 31/03 e cun facultadi de portai innantis propositas e pediri iniziativas e interventus po acumpriri a is incàrrigus chi funt in s'art. 3, asuba de su traballu fatu, de is iniziativas pigadas, asuba de is problemas chi ndi bessint, ònnia borta chi dd'at a crei, aparendi a su consillu comunali relata apostu a s'annu.

Sa Cummissioni consillari de cumpetèntzia podit pediri de ascurtai e atobiai su Garanti po cuncordai e proponi iniziativas de sensibilizatzioni chi pertocant is còmputus de s'Istitutu po s'inclusioni sotziali. Su Garanti, assumancu una borta a s'annu, torrat sceda a is Organismus citadinus po is problemas penitentiàrius, a is Assòtzius prus rappresentativus de is detenutus e a is assòtzius de su setori chi traballant in s'àmbitu de s'esecuzioni penali, tenendi contu de is osservatzionis chi ant arriciu de custus.